

Papia 3 Jon da Mandagít

But piso gen

2 Jonon mandagít uñuden gin on papia mandagít amin da iyi do 'kila amin' kinda yañ yosok. Amin morapmi da Jon Yesu dakon pañdet kinda da mandagit yañ nandañ.

Jon da papia on kila amin kinda mani Gaius uñun do mandagit. Gaius dakon man awigigit, nido Yesu yolyol amin díwari pañpulugagit. Ae amin kinda mani Diotrepes uñun kañ kimotjak do iyigit, nido Diotrepes da Yesu dakon gen bin tagisi yogok amin yolban kiwit. (Gagi 9-10 do koki.)

Piñkop dakon pi amin pañpulugonej

¹ Nak pañmuwukbi dakon kila amin da notnosi Gaius gak do papia on mandanç gamisat. Nak asisi gak do but dasi galak tañ gamisat.

² Not giman, wupgo tagisi tosok, uñuden gin yo morap asal uñun abi tagisi noman toni, ae giptimgo yo kisi tagisi tosak yañ do bisit asat.

³ Pañmuwukbi notnin di da abin gak da gen bamí abidañ kíimagek egísal uñun dakon geni nayinba but galak madepsi nandagim.

⁴ Nak dakon miñat monjiyono gen bamí yolgaj dakon geni nandisat bisapmon kísik kísik díwari nandisat uñun yapmañek kísik kísik madepsi nandisat.

Gaius pi tagisi agít

5 Not giman, gak but dasi nandaŋek paŋmuwukbi not paŋpulugosol. Ae dîma nandaŋ yomisal, mani yum pîndagek paŋpulugosol, do gak pi tagisi kînda naŋ asal.

6 Diwari da on paŋmuwukbi kabikon abiŋ gak da amîn do but dasi galak taŋ yomisal uŋjun dakon geni yaŋba nandagimaj. Gepman degek kik do ani bisapmon Piŋkop da nandisak uŋjun da arîpmon paŋpulugok abi.

7 Yesu dakon pi ak do nandaŋek kiŋ pi uŋjun aŋek Piŋkop dîma nandaŋ iŋmaj amîn kabikon paŋpulugok di dîma tîmîkgaŋ.

8 Nin Piŋkop dakon pi amîn uŋuden paŋpulugoneŋ kaŋ tagisi. Yaŋ aŋek kaŋdo nin uŋjun gat pi kalonjî aŋek Piŋkop dakon gen bamî joŋitneŋ.

Diotrepes aŋpak yokwi agit

9 Nak gen diwari paŋmuwukbi do kili mandagim, mani Diotrepes uŋjun mibiltok amîni egip do nandisak, do nin dakon gen dîma nandisak.

10 Yaŋdo, opbeŋ kaŋ aŋpak asak uŋjun do yaŋkwok aben. Uŋjun nin do yaŋba yok aŋek gen yokwi mibili mibili yosok. Ae Yesu dakon pi amîn yutnikon dîma paŋkisak. Ae uŋjun gin dîma, paŋmuwukbi da pi amîn iyî da yutnon paŋkik do aba yaŋsop aŋyomisak. Ae paŋmuwukbi kabî da wanja egipni do yoldak.

Demitius aŋpak tagisi agit

11 Not gi mano Gaius, aŋpak yokwi dîma yolek abi, aŋpak tagisi baj yolek abi. Amîn kînda aŋpak

tagi asak uŋun Piŋkop dakon amin. Mani amin kinda aŋpak yokwi asak uŋun Piŋkop dıma kaŋbi.

12 Amin kisi da Demitius dakon aŋpak tagisi uŋun do yoŋ. Ae Piŋkop dakon gen bamı uŋunyo kisi aŋpakni tagisi uŋun da aŋteŋteŋ asak. Ninyo kisi aŋpakni tagisi uŋun do yomanj. Disi nandaj, gen uŋun bamisi yomanj.

Kila amin da Gaius kok do nandagit

13 Gen morapmi tonj, mani papiakon mandak do dıma nandisat.

14 Abiŋ gandabo gen yanj nandat andeŋ kaŋ, tagisi yanj nandisat.

15 But yawot gagon tosak. Notgoni idon ekwamanj uŋun da gildat tagi yanj gayaŋ. Notnoni uŋudon ekwaŋ amin kalonj kalonj manikon da gildat tagi yanj yoyinj yoyinj aki.

**PINKOP GEN
The New Testament and Psalms in the Yopno Language
of Papua New Guinea
Nupela Testamen na Buk Song long tokples Yopno long
Niugini**

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 28 Dec 2024 from source files
dated 31 Aug 2023

b683ce50-d820-5bfc-8471-d8ee080be106